

საქართველოს სახელმწიფო უსაფრთხოების სამსახური



ს ა ტ ე ნ დ ე რ ო დ ო კ უ მ ე ნ ტ ა ც ი ა

*ელექტრონული ტენდერის საშუალებით
ქსელური მოწყობილობების შესყიდვა*

CPV – 32400000

ქ. თბილისი
2017 წელი

1. ინსტრუქცია ტენდერში მონაწილეთათვის

- 1.1. სახელმწიფო შესყიდვების ერთიან ელექტრონულ სისტემაში (შემდგომში - სისტემა) შესყიდვების პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.
- 1.2. ელექტრონულ ტენდერთან/გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი უნდა იქნეს ორიგინალის სახით (ასლის შემთხვევაში ნოტარიულად დამოწმებული ასლი) ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.
- 1.3. სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.
- 1.4. პრეტენდენტს არა აქვს უფლება წარმოადგინოს ალტერნატიული წინადადება.

სატენდერო დოკუმენტაციის შესახებ დამატებითი ინფორმაციისა და განმარტებებისთვის მიმართეთ სატენდერო კომისიის აპარატს: გვანცა ქევანაშვილი, ტელ: 591 932900.
მის: ქ. თბილისი, 9 აპრილის ქ. N4.

2. ტექნიკური დოკუმენტაცია:

2.1. შესყიდვის ობიექტის ტექნიკური პირობები და რაოდენობა:

№	დასახელება	ტექნიკური მახასიათებლები	განზომილების ერთეული	რაოდენობა	სავარაუდო ღირებულება (ლარი)
1	ოპტიკური ODF 4 წვერიანი LC- დაბოლოებით	2F Fiber Termination Box	ცალი	40	90 000.00
2	ქსელის კაბელის ტესტერი	კომბინირებული 5-1-ში ტესტერი RJ45, RJ11,1394,USB & BNC ტიპის კაბელის გატესტვა	ცალი	15	
3	ოპტიკური კაბელის ქურო პატარა მრგვალი	ფორმა: ცილინდრული (ვერტიკალური) ოპტიკური ბოჭკოს შესადუღებელი უჯრა: 2x12 (დამატებით უჯრები 2x12) გარე დიამეტრი: 190მმ. სიმაღლე: 310მმ. წინა: 2100გ~2380გ შემავალი/გამომავალი პორტების რაოდენობა: 4 ოპტიკური კაბელის დიამეტრი: 5მმ~17მმ შესადუღებელი ოპტიკური ბოჭკოების რაოდენობა: 12-48 კორპუსის მასალა: ABS ექსპლუატაციის მეთოდი: ჰაერში, მილსადენში, მიწისქვეშ, საკომუნიკაცია ჭაში ექსპლუატაციის ტემპერატურა: -40°C-დან +65°C-მდე	ცალი	30	
4	ოპტიკური პაჩპანელი	24 წვერიანი sc დაბოლოებით „SIMPLEX,, 24 fibers ODF	ცალი	15	

5	ოპტიკური პაჩპანელი	48 წვერიანი sc დაბოლოებით „SIMPLEX,, 48 fibers ODF	ცალი	5
6	ოპტიკური კოუპლერი	SC/UPC SIMPLEX	ცალი	200
7	ოპტიკური კოუპლერი	SC/UPC DUPLEX	ცალი	200
8	ოპტიკური პაჩკორდი 9/125 SC/UPS-SC/UPS 3,0MM DUPLEX PUC 1M	/125 SC/UPS-SC/UPS 3,0MM DUPLEX PUC 1M	ცალი	200
9	ოპტიკური პაჩკორდი 9/125 SC/UPS-LC/UPS 3,0MM DUPLEX PUC 1M	9/125 SC/UPS-LC/UPS 3,0MM DUPLEX PUC 1M	ცალი	200
10	კაბელზე თავაკების გასაკეთები ხელსაწყო (ჯეკმეიკერი)	Telephone/Data Crimp Tool Kit CAT 3 5e 6 RJ-11/45	ცალი	20
11	SFP მოდული	ერთ წვერიანი SFP მოდული, SM-1310/1550 nm, არანაკლებ 1,25 Gbps 100/1000 Full./Half Duplex, 20 KM, LC დაბოლოებით. თავსებადი ჯუნიპერის ფირმის სვიჩებთან	ცალი	25
12	SFP მოდული	ერთ წვერიანი SFP მოდული, SM-1550/1310 nm, არანაკლებ 1,25 Gbps 100/1000 Full./Half Duplex, 20 KM, LC დაბოლოებით. თავსებადი ჯუნიპერის ფირმის სვიჩებთან	ცალი	25
13	მედია კონვერტორი	WDM (Single-mode Wave Division Multiplexer) 10/100/1000, SC simplex port, 1310nm, 20 KM	ცალი	25
14	მედია კონვერტორი	WDM (Single-mode Wave Division Multiplexer) 10/100/1000, SC simplex port, 1550nm, 20 KM	ცალი	25
15	დამჭიმი ხელსაწყო	ფოლადის ლენტის დამჭიმი /საჭრელი	ცალი	2

16	ოპტიკური კაბელის შესადუღებელი ხელსაწყო	ოპტიკური ბოჭკოს ტიპები: SMF(G.652), MMF(G.651), DSF(G.653), NZDSF(G.655), BIF(G.657), EDF ოპტიკური ბოჭკოს გარსის დიამეტრი: 80 ~ 150-μm ოპტიკური ბოჭკოს საფარის დიამეტრი: 100 ~ 1,000-μm ანახლეჩის სიგრძე: 5 ~ 16 მმ სტანდარტული დამჭერებით. შედულების დანაკარგი*1: SMF : 0.01dB, MMF : 0.01dB, DSF : 0.03dB, NZDSF : 0.03dB შედულების დრო: 6 წმ (SM G652 სწრაფი რეჟიმი), 7 წმ. (SM G652 სტანდარტული რეჟიმი), 8 წმ. (ავტომატური რეჟიმი). ელექტრონული რკალის ავტომატური კალიბრაცია: ავტომატური კომპენსირება გარემოს მდგომარეობის ცვლილებებისას. შედულების გამოსახულების ჩაწერა / შედულების მონაცემების შენახვა: 200 სურათი / 10,000 შედულების მონაცემები (მხოლოდ შიდა მეხსიერებაში) 50,200/20,000 (8GB SD ბარათის შემთხვევაში). ოპტიკური ბოჭკოს ნახვა და გადიდება: დაკვირვება 2 CMOS კამერით, 320X (გადიდება : 700X) X ან Y ხედვის დროს, 88X X და Y ხედვის დროს. მონიტორი: 4.1" ფერადი სენსორული ეკრანი. ექსპლუატაციის პირობები: სიმაღლე ზღვის დონიდან: 0 ~ 6,000m, ტემპერატურა: -10 ~ +50°C, ტენიანობა: 0 ~ 95% (კონდენსაციის გარეშე). მდგრადობის ტესტი: 1.96 ~ 2.09 ნიუტონი . დამცავი მილაკის გაცხელების დრო (typical): 14 წმ (FPS-61-2.6 მილაკი, თხელი 60 მმ სწრაფი რეჟიმი) . დამცავი მილაკები: 60მმ, 40მმ & Sumitomo Nano sleeves. შედულების და გაცხელების ციკლი აკუმულატორების სრული დამუხტვის რეჟიმში: დაახლოებით . 230 (BU-11 მოდელის აკუმულატორის შემთხვევაში). ელექტროდების მუშაობის ხანგრძლივობა: 3,000 ელექტრონული რკალის განმუხტვა. ელექტრო კვება: ცვლადი დენი: AC 100 ~ 240V, 50/60Hz (ADC-1430S); მუდმივი დენი: DC 10 ~ 15V; აკუმულატორული: Li-ion 11.1V, 2,300mAh (BU-11S) / Li-ion 11.1V, 4,600mAh (BU-11); USB პორტი: USB 2.0 (B ტიპის); ქარის სიჩქარე: 15 მ/წმ-მდე. ზომა: 120(სიგანე) x 154(სიგრძე) x 130(სიმაღლე) მმ. წონა: 1.8 კგ (ბატარიის გარეშე) / 2.0 კგ (BU-11S ბატარეით) / 2.1 კგ (BU-11 ბატარეით). <u>საგარანტიო ვადა: არანაკლებ 2 (ორი) წელი.</u>	ცალი	1	
----	---	---	------	---	--

17	ოპტიკური კაბელის შედულებისთვის საჭირო ხელსაწყოების ნაკრები	Fiber Optic Fusion Splicing Tool Kit ოპტიკურ-ბოჭკოვანი ინსპექციის მიკროსკოპის ნაკრები, 2.5 მმ ადაპტერით ალკოჰოლის დისპენსერი, 250მლ 6 ცალი სახრახნისი: სწორი სახრახნისი: 1.4მმ, 1.8მმ, 2.4მმ; ფიგურული სახრახნისი: #00, #0, #1 კომუნალური დანა, 3 ცალი სათადარიგო პირით მოხრილი ბრტყელტუჩა სწორი ბრტყელტუჩა ბუფერის საფცქვნელი, ბუფერის ტუბის ზომა 1.6მმ დან 6.0მმ მდე კონექტორის საწმენდი კასეტა კონექტორის საწმენდი კასეტის სათადარიგო კოჭა საიზოლაციო ლენტა ორ-ხვრელიანი ოპტიკური ბოჭკოს საფცქვნელი, 2-3მმ ჟაკეტისთვის და 250um გარსისთვის ცხელი ჰაერის ხელსაწყო კველარის მაკრატელი კაბელის გარსის სიგრძეზე მჭრელი საზომი ლენტა ოპტიკური ბოჭკოს საჭრელი სათადარიგო პირი ბოჭკოს საჭრელისთვის კაბელის საფცქვნელი, კაბელის ზომები - Ø 0.6 / 0.8 / 1.0 / 1.3 / 1.6 / 2.0 / 2.6 მმ პინცეტები კაბელის სიგრძეზე გამფცქვნელი, 4.5-25მმ დიამეტრის მრგვალი კაბელების საჭრელად მრგვალი კაბელის სიგრძეზე გამფცქვნელი, 3მმ დან 35მმ მდე სისქის კაბელისთვის ბოჭკოს დამცავი მილი, 60მმ. სიგრძის ჩანთა	ცალი	1
18	ოპტიკური კაბელის ბოძებზე დასამაქვრებელი	SAE 201 უჟანგავი ფოლადის ლენტა 19მმx0.7მმ, 50მ.	მეტრი	100
19	კაბელი	FTP cat5e cable 100% სპილენძის	მეტრი	15000
20	კაბელი	UTP cat5e cable 100% სპილენძის	მეტრი	5000
21	UTP cat5e cable	100% სპილენძის 5 მეტრიანი, 8 წვერიანი.	ცალი	40
22	UTP cat5e cable	100% სპილენძის 3 მეტრიანი, 8 წვერიანი.	ცალი	40

23	ოპტიკური-PIGTAIL LC/UPC SM SIMPLEX 0,9MM 1M LZH	PIGTAIL LC/UPC SM SIMPLEX 0,9MM 1M LZH	ცალი	200
24	სამონტაჟო კაბელი	სამონტაჟო კაბელი გარე გამოყენების, FTP - 5cat + ტროსი	მეტრი	7000
25	სამონტაჟო კაბელი	სამონტაჟო კაბელი გარე გამოყენების, კომბინირებული: UTP ან FTP - 5E კატეგორიის + დენის კაბელით 2X2,50 + ტროსი	მეტრი	4000

შენიშვნა:

- სატენდერო წინადადებაში პრეტენდენტმა აუცილებელია მიუთითოს შესასყიდი საქონლის ბრენდი და მოდელი. აღნიშნულის წარმოდგენლობა გამოიწვევს პრეტენდენტის დისკვალიფიკაციას. იმ შემთხვევაში თუ შემოთავაზებულ საქონელს არ გააჩნია ბრენდი/მოდელი, სავალდებულოა აღნიშნულის მითითება (ბრენდის და მოდელის შესავსებ ველში უნდა მიეთითოს მაგ: „არ გააჩნია“,)
- ფასების ცხრილის (დანართი N1) წარმოდგენლობა გამოიწვევს პრეტენდენტის დისკვალიფიკაციას.

2.2. შესყიდვის ობიექტის მიწოდების ვადა და ადგილი:

2.2.1. მიწოდების ვადა: ხელშეკრულების გაფორმებიდან არაუმეტეს 45 კალენდარული დღეში.

2.2.2. მიწოდების ადგილი: ქ. თბილისი, ვაჟა-ფშაველას გამზ. N72.

2.3. სატენდერო წინადადების ფასი:

2.3.1. სატენდერო წინადადებაში საერთო და ერთეულის ფასი გამოხატული უნდა იყოს საქართველოს კანონმდებლობით გათვალისწინებული და შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

2.3.2. სატენდერო წინადადების საერთო და ერთეულის ფასის წარმოდგენა დასაშვებია მხოლოდ ლარში.

2.3.3. იმ შემთხვევაში, თუ ტენდერში ყველაზე დაბალი ფასის წინადადების მქონდე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტს მოეთხოვება ფასწარმონაქმნის ადექვატურობის დასაბუთება, რისთვისაც შემსყიდველის მიერ განესაზღვრება არაუმეტეს 3 (სამი) სამუშაო დღე. ფასწარმონაქმნის ადექვატურობის დასაბუთება უნდა მოხდეს პრეტენდენტის მიერ გაფორმებული ხელშეკრულებით ან/და ანგარიშგაქტურით (ინვოისით).

ამასთან, ფასწარმონაქმნის ადექვატურობის დასაბუთების წარმოდგენლობა გამოიწვევს პროტენდენტის დისკვალიფიკაციას „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანებით დამტკიცებული წესის მე-13 მუხლის მე-2 პუნქტის „ა“ ქვეპუნქტის საფუძველზე, გარდა იმ შემთხვევისა, როდესაც სახეზეა ამ წესის მე-13 მუხლის მე-2 პუნქტის „ზ“ ქვეპუნქტით გათვალისწინებული საფუძველი.

პროტენდენტის მიერ წარმოდგენილი ფასწარმონაქმნის ადექვატურობის დასაბუთება დაზუსტებას არ ექვემდებარება.

2.4. ანგარიშსწორების პირობები:

2.4.1. შემსყიდველი იღებს ვალდებულებას აუნაზღაუროს მიმწოდებელს საქონლის ღირებულება ეტაპობრივად, ყოველი კონკრეტული საქონლის მიწოდებიდან კანონმდებლობის შესაბამისად ანაზღაურებისათვის საჭირო დოკუმენტაციის წარმოდგენიდან 10 სამუშაო დღეში.

2.4.2. ანაზღაურების ფორმა - უნაღდო.

2.4.3. წინასწარი ანგარიშსწორება (ავანსი) არ განიხილება.

2.5. პროტენდენტის მიერ ერთიან ელექტრონულ სისტემაში ასატვირთი მონაცემები:

2.5.1. ფასების ცხრილი დანართი №1-ის მიხედვით (აღნიშნულის წარმოდგენლობა გამოიწვევს პროტენდენტის დისკვალიფიკაციას);

2.5.2. რეკვიზიტები დანართი №2-ის მიხედვით.

3. დამატებითი ინფორმაცია:

3.1. პროტენდენტს არ აქვს უფლება წარმოადგინოს ალტერნატიული სატენდერო წინადადება.

ხელშეკრულება N _____

სახელმწიფო შესყიდვის შესახებ

(ელექტრონული ტენდერი SPA_____)

ქ. თბილისი

_____ 2017წ.

საქართველოს სახელმწიფო უსაფრთხოების სამსახური (მის: ქ. თბილისი, 9 აპრილის ქ. N4, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 204584887), შემდგომში წოდებული „შემსყიდველად“, წარმოდგენილი დეპარტამენტის დირექტორის სერგო ჯანელიძის სახით და

მიმწოდებელი: ი/მ, ფ/პ, შპს, სს XXXXX“, საიდენტიფიკაციო კოდი: XXXXX

მისამართი, ტელეფონი: XXXXX; ტელ: XXXXX

დირექტორი: XXXXX

საბანკო რეკვიზიტები: XXXXX ბანკის კოდი: XXXXX ანგ. ანგარიში: XXXXX

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

I. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
7. „ტექნიკური დოკუმენტაცია“ - მიმწოდებლის მიერ SPA _____ ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

II. ხელშეკრულების საგანი

1. წინამდებარე ხელშეკრულების დანართი N1-ით განსაზღვრული ქსელური მოწყობილობების შესყიდვა (CPV-32400000).
2. ხელშეკრულების დანართი N1-ით განსაზღვრულია _____.

III. ხელშეკრულების ღირებულება

1. ხელშეკრულების ღირებულებაა - _____ ლარი.
2. ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

IV. მხარეთა ვალდებულებები

1. მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულების დანართ N1- ში მითითებულ ვადებში და ადგილზე;
- ბ) გადასცეს შემსყიდველს უფლებრივად და ნივთობრივად უნაკლო საქონელი;
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

V. ხარისხი

1. მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების 2.2. პუნქტით განსაზღვრული დანართ N1-ში მითითებულ მაჩვენებლებს და ხარისხი - დადგენილ სტანდარტებს.

VI. ხელშეკრულების შესრულების კონტროლი და საქონლის მიღება-ჩაბარების წესი

1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.
2. *ხელშეკრულების პირობების შესრულების კონტროლს განახორციელებს სახელმწიფო უსაფრთხოების სამსახურის ეკონომიკური დეპარტამენტის მატერიალურ-ტექნიკური უზრუნველყოფის მთავარი სამმართველოს ლოჯისტიკის სამმართველოს მომარაგების სამსახურის მთავარი სპეციალისტი ზვიად ბასილაძე, საქონლის მიღება-ჩაბარების აქტის გაფორმებას უზრუნველყოფს ამავე სამმართველოს სასაწყობო სამსახურის შესაბამისი უფლებამოსილი პირი, ხოლო საქონლის ტექნიკურ დათვალიერებას განახორციელებს სახელმწიფო უსაფრთხოების სამსახურის ოპერატიულ-ტექნიკური დეპარტამენტის შესაბამისი უფლებამოსილი პირი.*

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **5 (ხუთი)** დღის განმავლობაში გამოასწოროს წუნი. ობიექტური მიზეზით წუნის გამოსწორების შეუძლებლობისა და შემსყიდველის მიერ მოწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება.
4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.
5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანმხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელება.
8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

VII. ანგარიშსწორება

1. ანგარიშსწორება განხორციელდება შემდეგი პირობებით:
 - ა) ანგარიშსწორების ვალუტა - ლარი;
 - ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.
2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **10 (ათი)** სამუშაო დღის განმავლობაში.

VIII. ხელშეკრულების შესრულების შეფერხება

1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

IX. ხელშეკრულების პირობების შეუსრულებლობა

1. წინამდებარე ხელშეკრულების 2.2 პუნქტით გათვალისწინებული **დანართი N1-ით განსაზღვრული** საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ გადაგადაცილებულ დღეზე მიუწოდებელი ან/და წუნდებული საქონლის ღირებულების **0.2%-ის** ოდენობით; იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების **6%-ს** შემსყიდველი უფლებამოსილია მიმწოდებელს დააკისროს პირგასამტეხლო **ხელშეკრულების ღირებულების 5%-ის ოდენობით**.

- პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, სრულად შეუსრულებლობის ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.

X. ხელშეკრულებაში ცვლილებების შეტანა

- ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

XI. დავების გადაწყვეტა

- ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
- თუ მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით გადაწყვეტაზე, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

XII. ხელშეკრულების შეწყვეტა

- შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.3 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
- შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
- ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისაგან.

XIII. ხელშეკრულების მოქმედების ვადა

- წინამდებარე ხელშეკრულება ძალაში შედის _____ და მოქმედებს _____ .

XIV. ფორს-მაჟორი

- წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

2. წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
3. მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

XV. სხვა პირობები

1. ხელშეკრულება შედგენილია ქართულ ენაზე თანაბარი იურიდიული ძალის მქონე სამ იდენტურ ეგზემპლარად, რომელთაგან ერთი ეგზემპლარი გადაეცემა მიმწოდებელს, ხოლო ორი - შემსყიდველს.

XVI. მხარეთა რეკვიზიტები

შემსყიდველი

მიმწოდებლი

საქართველოს სახელმწიფო უსაფრთხოების
სამსახური
მის: ქ. თბილისი, 9 აპრილის ქ. N4
ტელეფონი: 2 41 44 03
საბანკო რეკვიზიტები:
სახელმწიფო ხაზინა, კოდი TRESGE22,
ს/კ: 204 584 887

სახელმწიფო უსაფრთხოების სამსახურის
ეკონომიკური დეპარტამენტის დირექტორი

სერგო ჯანელიძე

დანართი №1

ფასების ცხრილი

№	დასახელება	ტექნიკური მახასიათებლები	ბრენდი	მოდელი	შწარმოებელი ქვეყანა	განზომილების ერთეული	რაოდენობა	ერთეულის ფასი	ჯამური ღირებულება	საგარანტიო ვადა	მიწოდების ვადა	მიწოდების ადგილი

_____ ლარი
(თანხა ციფრებით და სიტყვიერად)

პრეტენდენტის ხელმოწერა და ბეჭედი _____

შენიშვნა:

- სატენდერო წინადადებაში პრეტენდენტმა აუცილებელია მიუთითოს შესასყიდი საქონლის ბრენდი და მოდელი. აღნიშნულის წარმოუდგენლობა გამოიწვევს პრეტენდენტის დისკვალიფიკაციას. იმ შემთხვევაში თუ შემოთავაზებულ საქონელს არ გააჩნია ბრენდი/მოდელი, სავალდებულოა აღნიშნულის მითითება (ბრენდის და მოდელის შესავსებ ველში უნდა მიეთითოს მაგ: „არ გააჩნია“,)
- ფასების ცხრილის (დანართი N1) წარმოუდგენლობა გამოიწვევს პრეტენდენტის დისკვალიფიკაციას.

დანართი №2

პრეტენდენტის იურიდიული ფორმა და დასახელება:	
ხელმძღვანელის თანამდებობა, სახელი და გვარი:	
პრეტენდენტის იურიდიული და ფაქტიური მისამართი:	
საიდენტიფიკაციო კოდი:	
ბანკი:	
ბანკის კოდი:	
ანგარიშის ნომერი:	
პრეტენდენტის ტელეფონის ნომერი:	
ელექტრონული მისამართი:	

პრეტენდენტის ხელმოწერა და ბეჭედი _____